

crítica

Passeios e polifonias por Galicia


París#1

Dirección: Oliver Laxe.

Proxeceu-se na sección Panorama Gali-za de 'Cineuropa'. Novembro de 2008, Compostela.

Oliver Laxe naceu en París, cidade à que emigraram seus pais. Ésta circunstância a que explica o título da sua película *París#1* (2007), rodada en Amil, Mugia, Os Ancares e Ourense. Esta dicotomía entre a cidade (París, destino migratório) e o campo (a Galiza rural, orixe migratoria) tem a sua contrapartida audiovisual na filmografía de Laxe. Em *Y las chimeneas decidieron escapar* (Londres, 2006) a urbe e a industrialización imiscuem-se tangencialmente nas tomas rurais: torretas de alta tensión sunlinham a paisaxe, altos edificios asomam tras os lameiros, sinistras gruas trabalham convertendo descampados em entulho. Quando a cámara se adentra na cidade, faino para registrar os reflexos nas fachadas de cristal dos edificios, aproveitando as formas geométricas arquitectónicas para compor images construtivistas e abstractas. Na banda sonora, umha guitarra eléctrica distorsionada remete de igual jeito a umha tecnologia (e estilo musical) de orige urbana. *Suena la trompeta, ahora veo otra cara* (Tánger, 2007) centra-se de igual modo nas paisaxes desoladas dos descampados que arroupam as cidades, essa terra de ninguém entre o rural e o urbano, entre o ordenado e o silvestre.

As images de *París#1* som essencialmente rurais. A urbe (adorminhada) só aparece na breve sequência dumha roda-ge cinematográfica. Merendas campestres, romarias, po- >>>



Oliver Laxe.

>>> jas e cenas de caça remata coa carreira dum cam por un bosque queimado, um novo espaço devastado que perde por momentos a sua característica natural para acabar asemelhando-se aos descampados semi-urbanos das duas primeiras películas citadas. A urbe está presente no título da película e no helicóptero contraincêndios cujo bater de assas dá inicio à peça.

Apesar de que Laxe chama à sua obra "ensaio", o seu espírito é mais poético que ensaístico. *París#1* forma parte dumha trilogia que tem como título genérico "Paseos e polifonías por unha Galicia contemporánea".

Som estes "passeios" líricos e contemplativos, nom narrativos, os que lhe confirem alento poético às images, fazendo-as devedoras do "cinema puro" ou "cine-poemas" das vanguardas europeias dos anos vinte e do cinema lírico dos anos sessenta do século passado. A cámara em mao, o tremor do fotograma, os saltos na image, a textura granulosa e os desenfoques som rasgos de estilo, bem conhecidos e explorados na tradição experimental do

cinema, que Laxe utiliza sabiamente, conjugando singeleza com efectividade sugestiva. O branco e negro sujo e granulado sugire paisages ancestrais e irreais, como aquelas recolhidas polos pioneiros do cinema. A figura humana, em forma de retrato, insire-se sem fisuras sobre este fundo rural ou semi-urbano.

A banda sonora acode a umha mancheira de sons para criar umha "polifonia" que sugire por si mesma, que cobra vida própria, independente das images. Tanto os ruídos como os silêncios están usados de maneira expressiva: o som do helicóptero, o coitelo cortando o pam, as vozes e conversas que podem estar sincronizadas ou nom, ruídos e palavras que venhem e vam, silêncios que potenciam a carga simbólica da image... .

O cinema de Laxe, recuperado para o cinema galego graças à política de subvenções, é um sopro de ar fresco no nosso cativo panorama cinematográfico, demasiado ancorado em narrações literárias e pretensos industriais de escaso rendemento artístico. ●

Alberto Pagan